

## IG101 - PROXECTOS DE SERVIZOS AVANZADOS INTENSIVOS EN EMPREGO

### OBXECTO

Favorecer a implantación de proxectos de servizos avanzados cunha creación de emprego ligado ao investimento igual ou superior a 10 postos de traballo de carácter indefinido. O investimento subvencionable debe ser superior a 200.000€.

### BENEFICIARIOS

Sociedades con obxecto empresarial, existentes ou en constitución, que cumpran:

- a) Realizar unha iniciativa obxecto de apoio en Galicia.
- b) Desenvolver no centro do proxecto algunha actividade subvencionable.
- c) Achegar para o proxecto de investimento unha contribución financeira exenta de calquera tipo de apoio público de polo menos dun 25%, (mediante recursos propios ou financiamento externo).
- d) Estar ao día das súas obrigas coas Administracións Públicas.
- e) Presentar un proxecto de investimento en servizos avanzados en Galicia no que o emprego a crear con carácter indefinido sexa igual ou superior a 10 novos postos de traballo, emprego asociado a un investimento subvencionable superior a 200.000€.
- f) Comprometerse a manter o emprego existente.
- g) Comprometerse a manter unha determinada composición do accionariado nos supostos en que esta represente un elemento substancial para garantir a viabilidade técnica, económica e financeira do proxecto e así se establecese na resolución de concesión.

### SECTORES INCENTIVABLES

Os proxectos deberán estar vinculados a algunha destas actividades, independentemente de calquera outra que, ademais desempeñe o solicitante:

- a) Servizos de implantación de sistemas tecnolóxicos: monitorización e control de procesos industriais, sistemas de seguimento remoto e telecomando de procesos, sistemas mecatrónicos.
- b) Enxeñaría de produtos e procesos industriais, enxeñaría de proxectos aeronáuticos ou espaciais.
- c) Centros de servizos telemáticos.
- d) Centros de desenvolvemento de software.
- e) Enxeñaría de ensaio e control de calidade en edificación, obra civil ou industria.

Excepcionalmente e en base ao interese estratéxico dun determinado proxecto, o Igape, poderá considerar como subvencionables outras actividades de servizos avanzados non especificadas neste apartado.

## REQUISITOS PRINCIPAIS DO PROXECTO

O investimento mínimo asociado (200.000 €) debe ser executado e pagado no período de vixencia, estará suxeito a comprobación segundo o artigo 4.1.3

Os postos de traballo creados terán que cumprir as seguintes condicións:

- Estar asociados directamente ao proxecto de investimento.
- Ser creados no prazo de vixencia establecido na resolución de concesión, prazo que non superará os tres anos seguintes á finalización do investimento.
- Manterse durante un período mínimo de cinco anos desde a creación para as grandes empresas e de 3 anos para as Pemes.
- O proxecto de investimento deberá conducir a un incremento neto do número de empregados no establecemento de que se trate, comparado coa media dos últimos doce meses.

## GASTOS COMPUTABLES

\* **Salarios brutos do persoal que se contrate**, durante o período de vixencia, co límite dun ano de salario por traballador.

\* **Custos de formación específica do persoal** para a implantación do proxecto cando as características da formación en relación coa actividade que se vaia desenvolver así o xustifique, (límite do 20% dos salarios brutos subvencionables do proxecto).

A intensidade de axuda para os custos de formación específica será do 25% dos custos subvencionables para grandes empresas, do 35% para as medianas e do 45% para as pequenas.

Serán subvencionables os investimentos en bens de primeiro uso empresarial realizados e pagados con posterioridade á recepción da notificación do Igape da ELEXIBILIDADE do proxecto e ata a data de finalización do prazo concedido para a execución do proxecto (**Non serán subvencionables os proxectos cuxa execución sexa iniciada previamente á confirmación por escrito do Igape**)

No caso de investimentos en obra civil, os solicitantes estarán obrigados a levantar acta notarial que reflicta fidedignamente con posterioridade á recepción da notificación de elixibilidade do Igape, a non iniciación da obra.

Cando o importe do gasto subvencionable supere os 30.000€ pola execución da obra ou os 12.000€ polo subministro dos bens, o beneficiario deberá solicitar como mínimo tres ofertas a diferentes provedores con carácter previo á contratación.

Os bens obxecto do investimento deberán ser adquiridos polo beneficiario en propiedade. No caso de adquisición dos bens mediante fórmulas de pagamento aprazado, estes tamén deberán pasar a ser de propiedade plena da empresa antes da finalización do prazo de vixencia.

O investimento terá que manterse no centro de traballo en Galicia durante os cinco anos seguintes á finalización do prazo de vixencia.

## CONTÍA DAS AXUDAS

Con carácter xeral, a axuda resultante calcularase como unha porcentaxe sobre o salario bruto do persoal a contratar, **entre un 15% e un 30% da base subvencionable.**

## OBSERVACIÓN

SERVIZOS DE APOIO. Con carácter complementario e en función do seu interese estratéxico, o Igape poderá prestar de oficio servizos de apoio previos ao establecemento de novos proxectos, a favor daquelas empresas que pretendan implantarse por primeira vez na Comunidade Autónoma.

Os ditos servizos, que non terán compoñente de axuda, poderán consistir, entre outros, en:

- Información e asesoramento dos trámites a seguir para a implantación do proxecto.
- Estudos necesarios para sustentar a decisión de implantación.
- Xestións de busca de localizacións idóneas para o proxecto.
- Tramitación ante organismos públicos de autorizacións ou permisos necesarios para a súa posta en marcha.
- Facilitar contactos con outras empresas ligadas á súa actividade.

## PROVINCIAS DE LUGO E OURENSE:

Elévese o límite máximo de acumulación de subvencións do 30% ao 50% para investimentos que realicen pequenas empresas, e ao 40% para medianas empresas.

**LUGO:** Estas medidas serán de aplicación ás solicitudes non resoltas presentadas desde o 24 de setembro.

**OURENSE:** Estas medidas serán de aplicación ás solicitudes non resoltas presentadas desde o 22 de outubro.

## PLAZO PRESENTACIÓN SOLICITUDES

O prazo de presentación de solicitudes comezará o día seguinte ao da publicación desta resolución no DOG e ata o esgotamento do crédito orzamentario, ou cando se publique a súa derogación expresa

## INFORMACIÓN E TRAMITACIÓN

Instituto Galego de promoción Económica (Igape) - Teléfono: 902 300 903

[www.igape.es](http://www.igape.es) ou [informa@igape.es](mailto:informa@igape.es)

Tramitación segundo o establecido no capítulo II das bases reguladoras dos procedementos de tramitación das liñas de axuda do Igape.